

## 10avel rang per Cla-Ursin Nufer al campiunadi mundial a Whistler

Al campiunadi mundial da cuorsa liunga dallas curridras ed ils curriders sut 23 onns a Whistler en Canada ha *Cla-Ursin Nufer* (21) contonschiu igl excellent 10avel rang ella cuorsa da 20 km el stil classic. Il Tuatschin e commember dil cader C da Swiss Ski ei staus il secund meglier Svizzer en quella cuorsa. Sco novavel ei *Nicola Wigger* staus sulettamein in dieschavel secunda pli sperts che Nufer. Gudignau la cuorsa ha *Jonas Vika* dalla Norvegia. Wigger e Nufer han absolviu l'entira cuorsa ella gruppa alla testa. Pér cuort avon l'arrivada han ils megliers dil tut saviu sedistaccar da quella. La fin finala han ils dus Svizzers spiars strusch diesch secundas sigl emprem. Per Cla-Ursin Nufer ei quei in ulteriur bi success suenter igl emprem tetel da campiun svizzer dall'elita miez schaner ella cuorsa da persecuziun el stil classic ad Ulrichen el Valleis. (fmr/hh)